



BIBLIOTEKA


Zakł. Nar. im. Ossolińskich


XVII

2568









ELOGIVM

546

ILLVSTRISSIMO

Et Reuerendissimo Domino,

D. I A C O B O
Z A D Z I K,

Episcopo Cracouiensi,

Senatori de Ecclesia & Patria meritissimo,

Academiae Cracouiensis.

CANCELLARIO,

DVCI SEVERIAE.



In primo ac celebri ad Cathedram Cracouiensem ingressu.

A

M. I A C O B O V I T E L L I O, Tyliciano
Eloquentiae Professore in Academia Crac. Ecclesiae S. ANNÆ Canonico.

D I C A T V M.

CRAC. In Officina Francisci Cæsarij, 1636.



*Armifonos postquàm feliciter ista Carina
 Transmisit fluctus, difficilesq; vias:
 Iam secura legit littus, portumq; subintrat,
 Amplius iratos, nec timet Æolidas,
 Peliaca hinc cedat pinus, Minyæq; vetusti
 Rectius hæc Regni nauigat Oceano.*

XVII - 2568 - II

ELOGIVM.



On sine publica diuinitus effectum est fortuna, ILLVSTRIS SIME DOMINE; vt nè prius sublimem istum, in florentissima Dioecesi adires honorem: quàm incendia illa armorum, quæ vndiquaque in nos exarserant, & per latus aliarum Pro- uinciarum, huic nobilissimæ oræ extrema minitabantur: primùm auspicijs S. R. M. deinde laboribus Tuis, consilijs, vitæ periculis, sedares, & restingueres. Pridem Tibi, & meritis Tuis, debitum præmiũ, eò vsque fortuna, remorata est: vt planius & apertius homines intelligerent, non dilatum esse, sed ad commodius tempus referuatum. Interea verò, reddita, atque exorta ex tantis procellis serenitate, amplissimum laborum Tuorum accipis fructum, non Ciuium tantum expressis suffragijs: sed hostium etiam apertis iudicijs & votis. Tametsi enim illi à nobis, studijs & animis in illa armorum tempestate dissiderent; iudicio nihilominus congruebant: illi scilicet viro deberi omnia, cuius industria, opera, fidelitate, omnia quæcunque in Repub. essent, dubijs & formidolosis Patriæ rebus, fouerentur, & firmarentur. Itaque non nemo fortassis in hoc primo ad honorem Tuum aditu Tibi obuiam factus, vel in prin-

cipio dicendi, hæreat anceps & dubius: num Tibi gratias, pro meritis Tuis, amplissime Patriæ impensis, acturus sit; an recentem gratulaturus dignitatem. Nam & anteacta promerita Tua, ita sunt posita in oculis & quotidianis hominum sermonibus, ut ea præterire, vel ingratae taciturnitatis, vel superbæ dissimulationis indicium sit: & celebritas gratulantium tam frequens, ut laudabilis officij neglectus, par crimini nefario videatur. Præstitisti Patriæ laudabiliter non solum fidem, (quod in optimo Ciue foret satis) sed curam, vigilantiam, consilium, impensè præstitisti. Quæ profectò tanta eluxerunt in Te: ut non rarò corporis infirmitatem, quam inter grauissima negotia frequentem esse oportebat, animi virtute, & caritate Patriâ superares. Quamobrem verò quis hanc in Te Patriam pietatem, quantum possit non ornet? aut summa non prosequatur beneuolentiâ? non illustri efferat præconio? præsertim, cum & honos hic Tuus amplissimus, non solum Tibi pro maximis reddatur meritis; sed etiam propter spem reliquorum temporum conferatur. Sed quid dico spem? cum iam explorata, & omnium oculis testata sint, qualis Ecclesiæ & Patriæ fuisses; ut aliorum spe sustentari, Tuorum verò fructu meritorum gaudere debeamus. Sed nimirum pace Tua ILLVSTRIS-
SIME DOMINE dicam, cum bono communi, quantum in Te esset satis profuisses; hic
locus

locus, hæc Tua DIOECESIS, quasi TRIBVS
BENIAMIN potior pars in sorte Domini, Te ex-
pectat: spe fidelitatis Pastoritiæ se sustentat, quod nō
alio animo, non alia solitudine hīc futurus sis,
quā verò qualis semper in religione tuenda, &
DEI cultu propagando fuisses. Hæc spes est in Te
reliquorum temporum, quæ recordatione, & sola-
tio Tuorum gloriosè anteaactorum, omnia sibi &
Tibi fausta, & diuturna vouet, & pollicetur. Nimi-
um etenim quā commutabilis & anceps nuperri-
mè felicitas nostra fuisset; quibus Præsulū diutur-
niori frui non datum esset præsentia: sed inter orbi-
tates & angores, quasi inter decumanos fluctus agi-
tari, & fortunæ turbulentissimo impetu circumfer-
ri. Tibi meliora & diuturniora hic Clerus augustissi-
mus, & populus, vt de omnibus meritis es, vo-
uet & precatur.

Æquum est vota omnium pro
illo stare, cuius operæ & vigiliæ, omnium tran-
quillitati, & publicæ quieti impensæ sunt: & am-
plius infumi debent. Cuius officium & proui-
dentia laboriosa, omnibus salutaris & fructuosa
fuisset: eius honorem non ingratum omnibus esse
oportere. In istis partium studijs me esse profiteor,
Tibi officio & Professione obstrictus ILLVSTRIS-
SIME DOMINE. Nam cū omni memoria
dignissimus Præsul TYLICIVS Ecclesiæ &
literarum cultor sanctissimus, Tuus olim in hac

DIOECESI antecessor, Professore[m] Eloquentiæ
in Academia liberalitate & nomine suo ornatum esse
voluisset: etiam ILLVSTRISSIMORVM conse-
quenter PRÆSVLVM patrocínio commenda-
uit. Scilicet Religiosissimus Antistes, iam multò
antè sapientissimè prouiderat: suam, in tam illustri
patrocínio in litteras beneficentiam refflorescere, &
renouari debere.

Idcirco Tuus officio & clientela Professor, nunc à
Te ILLVSTRISSE DOMINE postuland-
um duxi, vt me ex summa Encomiorum Tuorum
copia, quæ Tuis certatim sudant virtutibus, modica
quædam delibare permittas. Non quod cuiusquam
verbosam requiras garrulitatem, præclarissimis fa-
ctis à Boristhene ad Balticum æquor laudatus satis;
sed quia omnium inter sit, præstantissima Heroica-
rum virtutū exempla, grata recordatione propagari.
Gregorio Dicam itaque breuiter, qualis semper in Religione
tuenda ac propaganda; qualis in Patria iuuanda
fuiſſes.

Actiōnum Tuarum quò laudatiores forent pro-
gressiones, à primis annis, sollicitè & grauitè est ti-
bi laboratum. Nihil vnquam prætermisisti, vt cele-
britate ingenij, & iudicij maturitate, ante ætatem
floreres. Non postrema hæc Gymnasij istius Crac:
felicitas est, quòd Te eò prouectum videat, cuius
ætatem bonis literis, & moribus, aliquando Sena-
toriae

toriae & Præsuleae dignitati formaret idoneam. Sed
nimirum bonitas Tua maturissimè, sua sponte, non
tàm alienis praeceptis, quàm suis institutis: non vl-
lis vitae offensionibus, sed praeclarissimis virtutum
exemplis, ad omnia se prouehabat, vnde Ecclesiae
& Reipub. salutaria conquireret praesidia. Vbi verò
hic tantum studio temporis datum est, quantum æ-
tas, & ingenij vigor requirebat; Italiam feracissimū
eruditionis, & sapientiae fontem adiisti. Nihil erat
vnde vel Ciuis boni exempla, aut hominis eruditi
praecepta desumi possent; quod non primum explo-
rares industria: deinde imitatione, & summa inge-
nij contentione exprimeres. Romae, vbi sanctitatis
omnis atque religionis Christianae Sacratissimum
domicilium sit, ita versatus es: vt dum ceteri & an-
nos & impensas, aut ludicris rebus, aut spectaculis,
aut oblectationi insumunt; Tu comparandis, quae
Te Ciuem Principi bonum: Senatorem Patriae pru-
dentem: Episcopum Ecclesiae fructuosum efficerent;
inuigilasti. Verum ego Te **ILLVSTRIS-
SIME** DOMINE, non exinde vllius praconium, quod
Italiam peragrare meruisse existimo, cum populare
& domesticum iam sit; sed quia hoc egisti, vt graui-
tatem in ætate immatura, moderationem in Prouin-
cia amæna, honestatem inter omnia ad otium & o-
blectationem inuitamenta praeferres. Quàm mul-
ti à praeclarissimis cogitatis, in amænitate illa alior-
sum

*Barp. Sa. 18
Novil*

sum deflexerunt: quàm multi ab optimo virtutum
Cursu, quasi ad metas hæserunt: quam multi pesti-
feris inelcati & circumuenti blandimentis, tan-
quam ad Sirenios scopulos blande amarum naufra-
gium fecerunt. Tu verò Patriæ Te obstrictum,
non peregrinis fucis delinitum esse debere pruden-
ter memineras. Reuertisti feliciter magna Tuorum
voluptate, insigni Tuarum expectatione virtutum;
omnes facilè coniectura consequabantur, qualis fu-
turus esses in Patria: cùm perspicua, qualis apud
exteros fuisses, antea dares documenta. Atque
cùm omnia Te Ecclesiæ & Reipub. loca affari, atq;
appetere viderentur: quò conspectior Tua foret in-
doles, Aulæ Te, atque Regalibus obeundis obtuli-
sti officijs. Tale scilicet Virtutibus Tuis delegeras
theatrum, vnde lumen laudabilium operum, &
quæsitus non solum domi, sed peregrè etiam magnæ
dignitatis splendor, facilius in omnes Reipub. par-
tes, funderetur, & coruscaret. Nactus eras per id
tempus, eiusmodi in Repub. viros, qui scirent
Tua Virtute, ad omnia officia ritè obeunda, pri-
mum rectè uti; deinde verò eius promerita, atque
dexteritatem in agendo, apud Principem laudatissi-
mè extollere. Atque in primis ille memorabi-
li prudentia, & pietate in Patriam MATTHIAS
de BVZENIN PSTROKONIVS Supremus
olim Regni Cancell. Episcopus Vladislauien. Idæa
religio-

religiosi Sacerdotis, boni Episcopi singularis norma, Senatoris prudentis perfectissimum exemplar, cuius domus & disciplina (vt reliqua taceam) felicissimum fuit Episcoporum Seminarium; hic inquam ILLVSTRISSIMVS Episcopus animum & affectum, ex primo obtutu ad Te adiecit, nec futuram in Te illustrando irritam operam verissimè prædixit. Nunc ille ad beatam translatus immortalitatem, videt & agnoscit, suorum in Te meritorum fructum gloriosissimum: Videt & summa perfruitur voluptate, eam dignitatem & gloriam in se redundare, quæ sunt in Regno ILLVSTRISS. Antistites PLOCENSIS & VLADISLAVIEN. LVBIENSII, vbi cùm mediocrem & priuatam olim fecisset beneficiorum sementem; latatur vberimam & publicam nunc gratitudinis in se efflorescere messem. Reminiscitur in beata immortalitate, quæ olim priuatim de GERENDO RITE EPISCOPATV domesticis dixisset, nunc inter homines gloriosè celebrari & propagari: Atque hæc non in charta duntaxat atramento doctè exprimi; sed in vita & moribus sanctè viuendo efformari. Hic itaque Antistes, Ecclesiæ & Patriæ ornandæ diuinitus datus, priuatim & publicè omnibus fructuosus, oraculum vnum Reipub. cùm grauioribus Tuam felicissimè exerceret officijs indolem, dignum magnopere iudicauit, quem Regalis munificentia, &

B

gratia

gratia publico honestaret officio. Non defuit Princeps, vt in agnoscendis cuiusque virtutibus perspicacissimus, ita in ornandis munificentissimus, SECRETARIUM Maiorem fecit. Hic Tu non Tibi sed communi bono, & muneri fideliter obeundo, velle viuere, omnia negotia ad Sacram Maiestatem promptè perferre, neminem Tuo accessu, & affatu arcere, superiores honore & obsequio, æquales comitate & affabilitate Tibi deuincire, officij Tui esse duxisti. Nihil erat quod scire Principem oporteret, quod vel ad gratiam, vel potentiam alicuius dissimulare velles. Proinde tam singularem fidelitatem, tam perspectam in eo munere vigilantiam, maiore oportebat præmio honestari, & illustrari. Vice Cancellariatus Tibi datus, officium illustre, & meritum magnoperè: in quo gerendo, quid DEO, quid Patriæ deberes, hoc vnum assiduo cogitasti. Nimirum vt Pericles ille, sublimi apud Ciues suos decoratus honore, fasces & purpuram intuens, muneris sui laudabiliter obeundi admonebatur; ita & Tu, INSIGNE illud Regni, fidei Tuæ permissū, cū in manus sumeres: non minus Tibi amplitudinis, quàm laborum; quàm officij, grauiter & cū dignitate defungendi, veniebat in mentem. Arduum enim illud est munus, quod Regali præest scripturæ fideliter subditis exhibendæ: ornatè exteris proferendæ: nè quis alicuius machinatione dolus,

ad alienum obrepat detrimentum; nè quis auctoritate summa, ad quæstum aut cupiditatem suam abutatur; nè quavis legibus, aut publico iuri inferatur; quod publica Ordinum consultatione sancitum sit, vt nè in lucem lituris vitiatum proferatur: quibus omnibus religiosè cauendis, VICECANCELLARII fidelitas & vigilantia requiritur. In quo munere officiosè & prudenter agendo, ita versatus es, vt D E V M omnium Tuorum factorum, testem & arbitrum Te habere meminisses. Accessit ad graue hoc, & laboriosum officium VICECANCELLARII, pastoralis sollicitudo, cùm EPISCOPAM C V L M E N S E M Dei vocatione, & Regiæ Maiestatis voluntate nactus esses. Magna dignitas, magnus honos, splendor illustris: sed in hoc externo & populari plausu, non modicum angoris & molestiarum insidet: vbi omnia ad sanctioris officij regulam reuocanda sunt. Ingens idcirco Tibi obiecta cogitatio, singulare diuinitus datum incitamentum, vt DIOECESIM illam, quæ dissidentium à religione distractissimis ab inuicem erroribus, vehementer laboraret, Pastorali officio tuereris, Cleri honestate etiam aberrantes ab Ecclesia vt reduceres. Inde primam Clero ad grauitatem & vitæ sanctimoniam restituendo, operam sollicitè impendisti; cùm indiceres, cauere semper, nè factis suis ad inuidiam Ordinem adducerent: nè quasi

scopulos se exhiberent, ad quorum actiones alij non mediocriter offendant; hoc legibus, hoc panis, & autoritate Tua, sancires, ordinares. Verum, non solum edicto, sed etiam exemplo Tuo omnibus praibas, ut illi morum integritate ita praelucerent: quatenus eorum honestate, & temperantia, erronei illi, ad unitatem Ecclesiae & sanctitatem reducerentur. Fuisti velut alter populi DEI Princeps & Propheta Samuel, qui à DEO institutus ut praefectus, non solum in his quae temporanea essent: sed etiam in illis, quae ad DEVM referrentur. Primam instaurandi cultus diuini curam diuinus ille vir egit, suosque hortatus est, ut scelerum & idololatriae instrumenta ponerent *Baalim* scilicet & *Astaroth*; ut in eius vnus se potestate meminerint esse: à quo vitam, fortunas, libertatem acceperint. Ita Tu religioni sanctae propagandae apud eos populos quorum magna pars, prauis opinionibus distracti: suo, DEI Maiestatem metiuntur cerebro: omnem Tuam operam, & cogitationem impenderas, ut cum sanctiore Ecclesiae congruerent sensu: vnis moribus, legibus vnis, cultu DEI vno viuerent; ita Praefulis boni & Patris indulgentissimi apud eos officio perfunctus es. Et quidem Praefulis cum moneres, quantis circumfideantur periculis, nisi ad mentem ab erroribus reflexerint meliorem; Patris verò, cum tanquam filios caritate magis

te magis induceres, quàm feueritate coërceres: non acrioribus remedijs magis, quàm falutaribus medijs eorum faluti subueniendum effe velles. Exinde cùm non nifi venena, ex illis peftiferis, non ſcholis, ſed lacunis ſuorum impuriſſimis haurirent; Tu Gymnaſium ex quo ſanioribus formarentur ad veram religionem, & Chriſti agnitionem præceptis, iam extruendum, Doctores vocandos, ſapientiſſimè, & ſalutariter cogitaſti: niſi hoſtilium armorum inopinatò incumbens tempeſtas, omnia perturbaffet. Sed neque in formidoloſiſſimo illo calu benignitas Tua, à Tuis abfuit populis: quando quod hoſtis vaſtitate, rapinis, & omni iniuria deformaffet; Tu reficiendis illis, & ab extrema conſeruandis calamitate: omnem Te, conſilio, auxilio, opera, ſtudio, ita impenderas; vt maiorem ex Tuo affectu, & animo inclinato conſolationem; quàm ex impetitione illa, incommodorum accepiffent. Cùm non ſolùm calamitatem detraxiſſes: ſed etiam rem eorum abundè de Tuo auxiſſes, & inſtauraſſes. Vexati colonorum in Tua ditione fundi, Tua bonitate, & liberalitate iterum recreati: abacta pecora, Tuo peculjo rurfum reſtituta; fugati, diſſipati coloni: Tua deinde munificentia (cùm fame & eſuritione perire velles neminem) veteres reuocati in colonias. Nihil itaque furioſa illa vis egiffe videbatur; cùm clementia Tua, auxilio non deſoret vnquam matura-

to. Quod si vlllo tempore Tuam prudentiam, & beneficentiam, DIOECE S I S illa requirebat: illud profectò fuit tale, quo & religioni sanctæ, sublato ab Ecclesijs vastatione fundorum Clero, detrimentum accipiendum, & mutum silentium expectandum fuit; aut grauissimè fortuna Episcoporum attrita, & exinanita, restitui in pristinum statum, & releuari nunquam posset. Vtrumque sapientissimè arcuisti discrimen, ab Ecclesia vastitatem, & dolendum silentium: ab Episcopali fortuna periculum extremum. Non enim eo adieras tam nobile DIOECE SIM animo, vt Tuam abinde sectareris commoditatem, verùm vt illi Ecclesiæ per Te commodissimè possit esse; vt laboribus Tuis, vigilijs, eius quieti salutari, & cultui Diuino sanctiori melius provide retur. Proinde vt Te totum sancto illi cultus Diuini ritè promouendi, addiceres officio; missionem etiã ab Aula sollicitè postulasti: vt soli DEO vacares, vt nè sæcularia distraherent Diuinis operantem negotia: cùm alia fori vis est, alia templi, alia lux Solis, alia lychnorum, alia Curiae, alia Ecclesiæ officia. Atque hæc postulatio fuit, non fucata forensi specie: sed domesticis iusta modestiæ, & veritatis notis. Sed DEVS Opt: Max: qui Te in eo loco viderat fructuosum magnopere, nollebat permittere abinde diuelli, vt alijs etiam in eo loco valde quã lubrico, & ancipiti, fores exemplar omnis æquitatis,

tis, grauitatis, temperantiæ. Oportunum adhæc fuit,
vt Princeps haberet, cuius opéra, & confilio in ar-
duis vteretur negotijs: frugi hominem, & in omni-
bus vitæ partibus moderatum, plenum pudoris, &
officij, vt nè amitteret aula. Fuiſti itaque DEI vo-
luntate, toto tempore in Aula, quaſi in Eccleſia, ea
moderatione, & honeſtate; Principem quaſi DEVM
terreſtrem, & munus ritè perficiendum præ oculis
& aſſidua cogitatione habens. Secutus es laudabili
exemplo grauem aliquando & veracem Regis Dauid
conſiliarium *Chuſai*, quod eſt prudens ſilentium,
non perfidioſum *Achitophel*, quod eſt fratris ruina.
Hoc enim egifti, vt in Tua fortuna, & gratia Prin-
cipis, qua ſemper pollebas, prodeſſes omnibus, no-
ceres nemini: vt nè Te honoris opinio cæteris præ-
ferret: ſed humanitatis facilitas omnibus comem &
affabilem præſtaret: vt quemlibet, etiam inferiore
loco, eadem proſequereris beneuolentia: & nè cui-
quam ad Te aditus arduus, aut intercluſus videatur.
Locorum itaque tantùm, non officiorum Te ratio
distinguebat, cùm ita in Curia ad aram legum, in o-
culis Principis verſareris; vt à ſanctimonia, & offi-
cio Episcopali, atque ſolicitudine Tui ouilis, abeſ-
ſes nunquam. Teſtantur fundorum ex vaſtitate ho-
ſtili quaſi noua inſtauratio, populo in fame & eſu-
ritione, alimonia ſubminiſtrata: à templis ſolitudo,
& ſilentium prohibita. Sed neque hæc tantum, quæ
cui-

cuiquam minora fortassis videantur; nisi illud celeberrimum clarissimumque Episcoporum L V B A V I Æ domicilium, quod vetustas & temporis iniuria deformarat: sumptu Tuo non modico, artificiosa operarum molitione, tecto augusto, aurato lacunari, parietibus ornatissimè pictura, & marmore celato distinctis, incrustatis, pauimento splendide vermiculato, ad gratiam reconcinnares, interpolares, restaurares. Diuina quædam loco illi acciderat fortuna; Te interea ad gubernaculum eius constitui, cum maxima armorum hostilium incumbere tempestas, exercitatisimis etiam gubernatoribus metuenda; cum Hæresis commodè datam sibi oportunitatem, qua Ecclesiam omnibus machinis appeteret, existimauit. Tu verò vt Nauarchus prudens, nè integrum, aut vi procellarum, aut ventorum furore obrueretur nauigium: in magna conuersione, & perturbatione, non tam perniciosus illis moribus quidquam dandum; quàm formidolosis parendum temporibus sapienter censuisti. Consequente verò tranquillitate, atque fluctibus illis consulescentibus, hoc maximè egisti, vt quæ essent iniuria hostili dissipata, colligeres: infracta conuolidares: suis deturbata locis, in antiquum restitueres statum. Sed quò planius testata foret Tua in Ecclesiam voluntas insignis, Cathedrali Culmensi Ecclesiæ, de demenso Tuo, Canonicum I. V. Doctore proui-

prouidisti. etiam qui rem diuinam facerent, cæte-
raque in Ecclesia officia exequerentur, Vicarios per-
petuos vocant: illis villam iure donationis assignasti.
Tàm religiosè, tàèm sollicitè & sumptuosè cultui di-
uino prospectum esse in loco illo voluisti, vt non
Tuis commoditatibus, quàm Ecclesiæ, & populi
necessitatibus, seruire videreris. Vnde profectò re-
cognoscere palàm homines illi possunt: quicquid rei
sacræ, iniuria hostili intactæ ibi foret: quicquid Cleri
in maxima armorum trepidatione superfuisset; hoc
vnum deberi virtuti, & auctoritati Tuæ. Quæ res vt
maximæ sunt, ita meritis suis, gloriæ immortalī, &
diuinitati propiores. Nam eorum cogitationem in
se suscipere, non quæ fugacia, caduca, & breui in-
teritura sunt; sed quæ nulla temporis aut vetustatis
memoria aboleantur, & in posteritate crescant, fa-
ma populorum celebrentur, viuant in sensu, & o-
mnium admiratione: hæc diuina, hæc omnium
triumphis anteferenda. Non commutabilem autē
Tuum in diuinis reb⁹ & cælesti sanctitate vbius pro-
mouēda animum, loquitur illud augustum & opero-
sum impensis Tuis in villa hæreditaria DR V ZB IN
extructum templum, & nomini gloriosissimo Deipa-
ræ Virginis dedicatum: sacra supellectili, vasis pre-
ciosis, ad splendorem munificè instructum & exor-
natum. Immortale hoc, & semper ob præstantem
Tuam in Deiparam pietatem victurum monimen-
C tum

tum erexisti, & quasi illustre, Tuæ in DEVM & Sanctissimam eius genitricem, compendium religionis. Intuebitur hoc posteritas consequens, & in Tui memoriam longissimo veniet ævo, hoc augustum sacratissimæ Virgini & Matri DEI ædificium, ab Episcopo illo extructum, qui omnes in Patria & Ecclesia functiones gloriosè & laudabiliter peregisset. Extructum verò in hæreditario fundo, vt omnibus fieret planum, in lauta & opima sua fortuna, non fuisse vllam sibi hæreditatem potiore: quàm religionis, & cultus diuini propagationem; vt etiam posterius intelligant, quibus gradibus, ad similem apud DEVM gloriam, & apud homines opinionem sint ascensuri.

Hæc ergò sunt ILLVSTRISIME DOMINE, quæ DEO sanctè & religiosè præstitisti: ad præsentem memoriam iucunda, ad posthumam gloriosa. Proferet Te ætas consequens, quæ in corruptius & sine affectu iudicabit, proferet inquam ad omnem immortalitatem, Te in cultu cælesti propagando, sollicitum fuisse Episcopum, fidei veræ, inter corruptas & turbulentas, fanaticorum erronum de DEO opiniones, arcem & vigilantem Patronum; hominum egentium in magna rerum omnium conuersione, nè extrema paterentur, Patrem & Pastorem.

Quantum verò de Patria meritis sis, res testator omnibus est, quàm vt vllis opus habeat argumentis.

Si qui-

Si quidem non verborum coloribus, se merita Tua ad populum venditant: quàm vtilitatibus publicis celebrantur. Hoc enim Tibi in primo ad Rempub. ingressu laboratum est, vt honore primùm dignus viderere: deinde vt laudabili existimatione omniũ floreres: insuper vt interea nomen Tuum celebre existimares, si dignitati Tuæ testimonium; non ambitioni beneficium datum esse existimares. Et quis ita peregrinus in Patria fuit, cuius aures in peruagato sermone de Tua in Regnum fidelitate, non versarentur? in cuius mentem & oculos labores Tui quos pro Patria adires, non palàm incurrerent. Nā vt alia præteream quibus in Regno gloriosè perfunctus esses officia; hoc Cancellarij tale fuit, vt à summis laboribus, nè respirandi quidem liberè Tibi facultas concederetur. Etenim non multò post, ex quo munus hoc exorsus esses: luctuosum & formidolosum tempus inciderat Patriæ orbitatis, vel INTERREGNI, quo omnia fatali necessitate amisso Principe, hinc inde impendentibus periculis, non mediocriter fluctuabant. Te verò tametsi publica orbitas perculisset grauiter, status ille tamen animus non deiecit, vt complorata communem arbitrareris fortunam. Si quidem nunquam melius Tuam dexteritatem & fidem, quàm in tuenda & conseruanda communi salute collocari posse existimasti. Exinde hostium consilia in nos cognoscere,

exterorum populorum animos adiungere: aliorum
allicere beneuolentiam: limites prælijs munire:
tranquillitati domesticæ prospicere, consilio, ope-
ra, studio, Patriæ non deesse: atque in omnes Rei-
pub. partes acriter intendere, Senatoris boni offi-
cium censebas. Nullus à Te labor in negotijs publi-
cis, vt CANCELLARI I prætermisus, nulla for-
titudo in periculis arcendis, vt Præfulis boni desi-
derata: nulla caritas Patria, vt Ciuis boni requisita;
cùm omnia sollicitè, animosè, amanter, quæ inte-
rim Patria flagitaret necessitas, transigeres. Hæc
primò sunt caritatis Tuæ in patriam, in arduo CAN-
CELLARI I officio iacta fundamenta: quibus il-
lustriores multò, & operosiores superimpositi labo-
res. Namque posteaquam DEI voluntate, & sum-
mo nobilissimorum Ordinum consensu SERENIS-
SIMVS REX designatus, & populi acclamatione
approbatus: vbi tempus Regali coronæ sacro capiti
inferendæ appetijt, in ea hominum ex vniuerso Re-
gno confluentium celebritate, & frequentissimo
conuentu, operosius Tibi multò fuerunt omnes in-
dustriæ vires intendendæ, vigilandum multò acrius,
cùm pro dignitate Reipub. tum pro Tuo officio.
Namque Tuum erat disceptandis quotidie maximis
negotijs, in Senatu interesse, rerum consultatione
quærendarum capita proponere: Regis nomine
grauiter & prudenter responsa dare, legationes ex-
terorum

terorum populorum, REGIS & Senatus autoritate, dextrè expedire. Quanti autem laboris fuit, Ciuitatum, oppidorum, municipiorum, finium, possessionum, iura & priuilegia, Sacrosanctâ noui Regis autoritate confirmanda, videre? & quàm ex vñ publico sint, an rata & fixa oporteat esse, expendere? quorum permulta, tametsi mutuâ Tuorum opera perficerentur; Tuam tamen cognitionem, fidem, & prudentiam, quò stabiliora forent, requirebant. Quæ Tu ita exactè, accuratè, etiam cum periculosissima offensione Tuæ valetudinis cognita esse volebas: vt omnes intelligerent, quem haberet Respublica CANCELLARIVM, & cui populus ille iurium, & immunitatum suarum, permetter cognitionem. Graue fuit & tædiosum, priuilegiorum ad Te collatorum, in multitudine confertissima, aceruos videre, & eorum quæ in diuturna obscuritate, & situ dudû squaauerunt, afflari putore, haurire graueolentiam, nec minutas literarum notas aut interpunctiones, nè quid fraudulentia obtendatur transilire: & ea summa animi & corporis contentione, peragere, felicitatis & fidelitatis Tuæ fuit. Et quidem labor hic ita Te afflixerat, vt etiam in graui illo morbo Tuo, sub Comitiorum Coronationis tempus, non mediocriter incolumitati Tuæ metueremus; quem tantò ardentius votis omnibus & sanctis sacrificijs, superstitem precabamur: quan-

tò impensius Tu pro Patria, pro dignitate, pro publica necessitate, ipsum Te, vel ad supremum deuoueres discrimen. Illud tamen in valetudinis incommoditate spectandum in Te fuit, quod corporis imbecillitatem, magnanimitate superares. Non enim in Tua potestate fuit, non languere corpore: sed illud fuit, animum corporis debilitate non fatigari. Meminimus *Licinij & Fabij* Romanorum, quos cū aliquando pertasum esset laboris continui, cui per incommodam valetudinem ferendo iam pares non essent, se apud Senatum excusasse: sibi nimirum vires corporis affectas, sensus oculorum, atque aurium hebetes, memoriam labantem, animi vigorem atate obtusum; proinde vicariam aliorum pro se operam Reipub. offerre. Tui verò corporis infirmitas, maiore animi vigore sustinebatur, contra omnem languorem; nam quò grauior alter videbatur, eò fortiorem Te alter efficiebat. Ferunt Pòetæ, qui vitæ humanæ ritè traducendæ officia, sub alienis personis effinxerunt, *Deucalionem & Pyrrham*, homines quos aliquando magna aquarum elluuius obruebat, iactis lapidibus iterato ad vitam suscitasse. Quo commento illud in sensus omnium imprimere volebant, eum qui humanam viuere velit vitam, non pecorum more, in otio, & umbra languescere; sed laboriosè ad gloriam contendere: nè verò labori succumbat vnquam, faxeum & lapideum esse oportere.

Consi-

Consimili modo Tu ILLVSTRISSE DOMINE,
scopuli instar, quem fluctus creberrimo impulsu,
impetunt frustra, obduruisse videbaris, contra tot,
tàm varios, tàm differentes labores. Cùm scires,
custodiam famæ, magnum esse laborem, cùm intel-
ligeres, sine labore & cura, nihil expetendum, aut
gloriosum posse parari nihil. Incredibile enim est,
& miraculo propè simile, tot Te difficultatibus su-
perse; & utinam super sis diu optandum. Ægrè ali-
quid virium à grauiore morbo colligi poterat, ante-
quam integrè quod diu laboraret, instauratum es-
set: iteratò patria necessitas Te maioribus extra Re-
gnum periculis tolerandis, obijcebat. Eundem in
Moschouiam contra Regnum tumultuantem fuit;
valetudo excusabat: sed fidelitas, & Tua prompta
semper in Serenissimum Regem voluntas require-
bat: & admonebat, nefas, recens faustè inaugura-
tum Principem deserì: communem fortunam cum
sacro capite ad ludibrium & libidinem hosti perduel-
li, dedi probrosum: hinc priuata quietem suade-
bat commoditas, inde publica reuocabat utilitas.
Vicit tamen Principis Maiestas, priuatas rationes:
vicit publica dignitas, domesticam commoditatem.
Accelerasti iter, dedisti Te comitem S. R. M. etià
difficultatum, laborum, periculorum, quæcunque
in hostico subeunda erant solo, participem. Quæ
aduersa ita prudenter tulisti, ita officia omnia sa-
pienter

pienter exegisti, vt interea Principi nouo, tàm oportunè datus, & à bona fortuna in commune auxiliũ comodatus viderere. Et tametsi cuniculis illis galeatis, qui se altè in terram infodissent, satis erat Sarmaticas ostendere Aquilas, & celeriter victoriam maturare: tamen & illa celeritas, alieno in solo, inclemente sub cælo, hyemis acerbitate maiore, nimis prolixa videbatur. Hyemandum erat sub pellibus: niuibus altis supernè oportuit operiri; iactis ab hoste desuper mollibus, quasi montibus reuulsis pulsari: non cibum, non locum quietis vllum, non horam, mortis formidine vacuam habere: Adde, quòd ferendum erat, aures Musis asluetas, clangoribus bellicis personare: & fulminibus hostilibus perhorrescere. Quæ tametsi acerba, & dura videbantur, ea tamen Patriæ caritas, fidelitas Tua in Principem, atque publicum officium, leuiora faciebant. Vt hostium castra feliciter aliquando adoriretur, Græcorum insignis bellator Diomedes, Vlysses cautum & prudentem, eius laudis sibi adsciuit socium: cùm in bello, auxilium & consilium, mens & manus, animus, & gladius requirantur. Ita potentissimus Rex frangendis hostium machinationibus, Tua prudentia, & consilio vti volebat; vt scilicet eorum vis, & fortitudine armorum comprimeretur: & temeritas ratione coërceretur; & cogitata nefaria, Tuis prudentissimis eluderentur consilijs. Laudabile

dabile Tibi fuit, & euentu ipſo glorioſum, animos barbarorum armis ſuis, & foſſis præſidentes, veteribus in nos odijs innutritos, orationis Tuæ potentia, ad deditiõem fleſcere, armis exuere, ad pedes S. R. M. ſupplices abijcere. Cũ palàm diceres, agitari eos furore violati iuſiurandi, quod ſacræ Maieſtati dediſſent, ad pœnas eos à Deo depoſci, rupti fœderis, confractæ amicitia, elect. Principis, perfidiosè poſthabiti: ſcelus hoc parricidij, ſumptorum contra Sereniſſimum Principem armorum, non aliter quàm ſanguine ſuo luituros. Quæ tũ facundia, quæ orationis fuit potentia, vt furem illorum hoſtilem, ſanguinis Sarmatici appetentem nimis, coerceres; odijs diuturnis flagrantem mitigares? ad Clementiam S. R. M. poſtulandam induceres? hoſtilitatem in amicitiam, perfidiam, in fidelitatem, cupiditatem vindictæ, in humilem ſubiectionem traduceres? Et quamvis armorum metu, & potentia Sereniſſimi adigerentur ad deditiõem, fuit tamen belluis illis quædam inſana & obſtinata, vel moriendi in ſuis foſſis cupiditas, niſi Tu acriora victoriæ ſupplicia, lenioribus temperares remedijs. Non minùs ergò Potentiſſimi victoris clementiam, quàm Tuam dicendi vim, vbi ſe hoſtis ex furore collegiſſet, admiratus eſt: qui eos quos ſua temeritas, ad extrema quæque præcipites impellebat, prudentia Tua, à turpi & miſera conſeruasti internecone..

Quamobrem itaque Patria Tibi summa quæq; non debeat? quod res in hostico solo grauiter perturbata, & propè ad periculum illius, trium prouinciarum, oræ amittendæ, inclinantes, optimè & commodissimè componeres? quod alleuationem vexato acerbitatibus continuis populo, hostili mitigatione prouideres. Verùm utlibet hoc graue bellum fuisset, quod alieno loco, & tempore, & longiùs dissita in Prouincia gerendum fuit; tamen cum illis res erat, quos consilijs, agendi celeritate, tot victoriarum felicitate longè anteiremus. Cùm autem in Prusiam ventum est, contra eum hostem, quem secundiores (tamen iniusti) cùm apud nos, tùm in Imperio successus, & fæderatorum adlecta auxilia, animi aliorum à nobis distracti, & infessa præsidia, insolentem & inflatum faciebant; tamen & in eo hoste edomando prudentia, & fides Tua, laudabiliter spectata. Datum Tibi à Sereniss. & Republica negotium, ut cum hoste priusquam castris concinerent signa, consilio experireris: quod optimo, & laudatissimo exegisti euentu. Namque ubi dies, vtriusque habendi conuentus dicta, rationibus Tuis, prudentiæ, auctoritati, quonam modo contraueniret hostis non habebat. Et licet diè plerumque deliberatione prolixiore eximeret, aut differret negotium; tamen Tuis prudenter cogitatis, plurimùm in rem Patriæ concedebat. Nullam enim

enim rem probandam suscepisti, quam non dilucidè demonstrares : nullam improbandam, quam non ex hominum opinione etiam altè infidentem euelleres, elideres. Itaque, tametsi armatus hostis, irarum & furoris in nos plenus esset; fuit tamen in Tua, dum quidlibet suaderes, potestate: cùm in eius animum pertinacem, opinione victoriæ supra modum elatum, oratione & potentia dicendi penetrares. Idcirco antequam Aquilæ castrenses motæ, antequam acies instructæ; Tu Prouinciam illam hostili acerbitate vexatam & inessam, præsidia occupata, sine sanguine, sine cæde, auspicijs Serenissimi REGIS, & Tuis consilijs, extorsisti, vindicasti. Gloriosior hæc nobis procul dubio victoria, in qua gladium vagina, vacuum propè non vidimus, maximum tamen victoriæ fructum, sumus consecuti. Humanius longè istud vincendi genus, quo non campi cadauerum aceruis integuntur. non fluuij sanguine humano colorantur, hostis tamen loco suo pulsus, fugatus: nec prius se victum sensit, quàm ubi fuisset, quid amisisset, serò intellexit. Prospexisti hoc prudenter ILLVSTRIS DOMINE, ciues Patriæ, stare debere, tanquam in Orbe aliquo Reipub. qui quoniam perpetim versetur, eam partem vt eligant, in quam eos patria utilitas salutisque conuerterit. Tranquillitatem idcirco Reipub. consilio potius, quam vi comparasti, pa-

catam maluisti, non cruentam victoriam; cum felicius multò sit pax ab hoste volente oblata: quàm multò reparata sanguine. Verùm & hostis rationes Tuas potius, quàm fortunam suam sequi maluit: veritus, nè tot annorum, ex animo successus, in vnius horæ daret discrimen: cum nunquam minus, quàm in bello respondeant euentus. Itaque non solum Patria Tibi eius commissionis felicem successum debet; sed hostis etiam se, consilio, rationibus, à prudentissimo interim CANCELLARIO victum, & quasi tenacioribus adstrictum vinculis, gloriatur. Quoties enim admiratus Tuam in dicendo gravitatem, expleri sermone Tuo non potuit? quoties suorum oblitus armorum (quasi fera bellua Orphei suauitate delinita) in vnius, pacem suadentis vultu, defixus stetit. Cum audiret legum & iuris eximiam scientiam, exemplorum ex omni antiquitate collectorum copiam, eruditionem tanto Senatore dignam, celeritatem & breuitatem, cum respondendi, tum sui laceffendi. Atque ea omnia, subtili venustate atque urbanitate ita condita, vt difficile discernere posset, potentiornè in vincendo temerario, an suavior in deliniendo eius animo fores. Nec potuit inuidia precul, ille penes quem potestas armorum Sueciæ fuit, dissimulare: se magnoperè semper deliniri suauitate & venustate Tuæ affabilitatis, etiam, omnè cibi & potionis necessitatem (vbi facultas Tui audiendi

diendi sit) se Tali posthabere dictioni. Vnum esse virum talem, qui sciat inflammatos ad arma, ad cædem, animos prudenter sedare, & segnes ad quidvis agendum, dictionis vi excitare. Vnius sermonem bellorum fulminibus validiorem: cùm in animos etiam hostium penetret, eosque suo moderetur arbitrio, quod bellica vis ægrè perficere potuisset. Eam ob causam cum cæteri victores, vrbium, provinciarum simulachra, in triumphis ducant: Tu animis hostium subactis triumphas, longè nobiliori gloria, quò nobilior victoria. Atque istius laudis, vel illud insigne est testimonium: quòd cùm cæterorum non abstineret hostis fortunis lacerandis, à Tuis postmodùm, vbi Tuam dignitatem cognouisset; non solùm manus, sed etiam oculos cupiditatis cohiberet. Cùm nefas duceret, eius esse violentum prædatorem, quem ille sibi pacatè, mansuete subegisset. Et quàm multos mihi dabis ex omni etiam antiquitatis memoria, de quibus tam congruenter, concordi ciuium & hostium consensu lata forent iudicia? qui vtrorumque animos mirifica quadam deuinciret arte; ciuium quidem fidelitate & caritate: hostium verò, singulari in uictos benignitate, comitate, affabilitate?

Quamobrem, cùm pro religione & Deo, impensè sollicitus semper esses, cùm patriam ex periculis maximis extraxisses; frui magno labore quæsitâ

gloriâ, conscende sublimem istum in locum: progredere florentissimus beneuolentia omnium, in urbem hanc, quam Tibi, cum vniuersa DIOE CESI Deus Opt: Max: in illis quæ cælestia sint, permisit gubernandam. Summa in Te autoritas, mirificus rerum vsus, feliciter in reficienda salute communi, dicta, & facta Tua sunt versata. Idcirco in Tua ad hunc locum diuturna expectatione, iam quasi multò ante fata quædam felicia concinebantur, fortunatissimam tanto Præsule, DIOE CESIM futuram. Sed neque est quisquam nunc, qui non honorificentissimè de Te sentiat: Senatus palàm, equester ordo acerrimè; omnes boni, propriè enixeque omnibus votis, & studijs prosequuntur. Academia quoque Te ILLVSTRISSE DOMINE vt Patronum & Tutellarem, submissè veneratur: cui diutissimè, pro eius in se incredibili affectu sit obligata, eidem nunc præsentì, se totam magnam cum veneratione, vouet & consecrat. Pridè Te nobis natura Tua inclyta beneficum fecit, eisdem nunc Deus Opt: Max: Episcopum præfecit, CANCELARIVM Respublica designauit. Ex Tuis antecedentibus in nos fauoribus, præsentem nostram non dubia spe metimur fortunam: quod Tua præstanti autoritate, grauissimo iudicio: & dignitas, & successus literarum, fouebuntur. Nam qui nobis protectionem largè pollicitus esses, ac semper benignè præsti-


præstitiffes, nunc cùm in oculis, & auribus Tuis omnia erunt, quæ ad propagandam, aut instaurandam literarum vtilitatem pertineant; facturum Te beneuolè, & clementèr confidimus. Quo pacto viuet in Te, vt Reipub. tuendæ, & cultus diuini propagandi, ita & literarum conseruandarum exemplum. Antistes sacrorum es, literæ autem sunt quædam res sacra: religioni sanctissimæ hac in DIOECESI supremus Pater, literis autem religio ornari & firmari solet. Et quidem, tali esse exploratum omnibus est apud Te loco literas, vt non paucos sumptibus Tuis ad eruditionem & studia excitares. Hic ergò Tuus in literas inclinatissimus animus, & perspecta Tua in nos beneuolentia, spem nobis faciunt eximiam, Te Præsule, literis nostris splendorem pristinum, & honorem restitutum iri.

Quod reliquum est hoc vnum Vniuersitas nostra Tibi ex animo vouet & precatur; vt cùm omnes in Repub. honores, summâ cum celebritate, & omnium approbatione feliciter exegisses, tantùm habeas à Patria gratitudinis; quantum illi præstitisti pietatis. Tantùm à supremo DEO pro Tua in Patriam caritate, præmiorum: quantum habes in Regno hoc florentissimo, meritorum.

D I X I



11/11/11



8121

11

